



REPUBLIKA E SHQIPERISE
MINISTRIA E FINANCAVE
DREJTORIA E MAKROEKONOMISE

EKONOMIA DHE BUXHETI



ECONOMY AND BUDGET

PRILL - APRIL
2006

TIRANE

Raporti Mujor

Prill 2006


Personi i kontaktit: Luiza JANO
Telefon: ++355 4 258437
E-mail: macro.director@minfin.gov.al
www.minfin.gov.al

PERMBAJTJA

1. VECORITE KRYESORE.....	4
2. TIPARE TË TABELAVE SPECIFIKE.....	6
a. IÇK DHE TREGUES TË TJERË.....	8
b. SEKTORI FISKAL.....	11
c. SEKTORI I JASHEM.....	13
d. SEKTORI MONETAR.....	14
3. TABELAT MBËSHETËSE	
a. Indeksi i Çmimeve të Konsumit	
b. Kursi i këmbimit	
c. Buxheti i konsoliduar	
d. Shpenzimet institucionale	
e. Shpenzimet sipas funksionit	
f. Investimet	
g. Të ardhurat sipas burimeve	
h. Të ardhurat sipas klasifikimit ekonomik	
i. Financimi i defiçitit	
j. Mjete valutore neto	
k. Krediti i brendshëm	
l. Oferta e parasë	
m. Depozitat sipas burimeve	


1. VECORITE KRYESORE :

- ❖ **Indeksi i çmimeve të konsumit** ne muajin Prill 2006, arriti ne 110.9 perqind, duke shenuar nje rritje mujore prej 0.6 përqind, pas rritjes prej 0.1 perqind dhe 0.4 perqind, perkatesisht ne muajt mars dhe shkurt. Norma vjetore e inflacionit, per muajin Prill ishte 2.4 perqind, duke qendruar brenda objektivit te Bankese se Shqiperise, prej 2 – 4 perqind.



- ❖ **Kursi mesatar i kembimit** te monedhes vendase me dy monedhat kryesore te huaja, per muajin Prill 2006, ishte:

- 100.26 leke per dollare
- 122.85 leke per euro




Ne muajin Prill, monedha vendase, ndoqi trendin e saj te nencmim kundrejt monedhes europiane, Euros dhe me nje mbicmim kundrejt dollarit amerikan. Sjellja e monedhes sone ne tregun vendas eshte reflektimi i sjelljes se dy monedhave ne tregjet nderkombetare monetare si dhe i nderhyrjeve ne treg nga ana e Bankes se Shqiperise.

- ❖ Gjate muajit Prill 2006, **normat e interesit te depozitave** 12-mujore ne leke, kane pesuar nje renie ne vlere absolute prej 0.18 perqind krahasuar me muajin Mars, ku normat e interesit ishin 5.28 perqind. Ne muajin Prill 2006 normat e interesit te depozitave 12-mujore ne leke arriten koten e 5.10 perqind.

Renie te lehte per kete muaj kane pesuar depozitat me afat 6-mujor dhe 3-mujor, te krahasuara me muajin paraardhes (Mars '06) respektivisht me 0.20 perqind dhe 0.01 perqind, ndersa normat me afat 1-mujor, pesuan nje rritje te lehte me 0.08 perqind. Renie prej 0.11 perqind kane pesuar normat per depozitat me afat 24-mujor, te cilat arriten nivelin e 5.86 perqind.

Krahasuar me te njejten periudhe te nje viti me pare, renien me te larte vjetore e kane patur normat e interesit te depozitave 12-mujore dhe 1-mujore, respektivisht me rreth 0.12 perqind dhe 0.26 perqind.


Normat e interesit te depozitave



❖ **Situata buxhetore**

Ne fund te muajit Prill 2006, situata buxhetore, paraqitet si vijon:

1. **Deficiti i pergjithshem** buxhetor arriti ne rreth +9.8 miliarde leke, ose rreth -26.89 perqind e deficitit buxhetor per vitin 2006.
2. **Te ardhurat gjithsej** arriten ne rreth 69.07 miliarde leke ose rreth 31.15 perqind e programit vjetor 2006.
3. **Shpenzimet buxhetore** arriten ne rreth 59.22 miliarde leke, ose rreth 22.92 perqind e totalit te shpenzimeve buxhetore te planifikuara per gjithe vitin 2006.



- ❖ **Deficiti i pergjithshem** arriti ne +9.8 miliarde leke nga +313 milione leke te parashikuar per kete periudhe 4-mujore, duke tejkaluar kufijte e parashikuar.
- ❖ **Të ardhurat gjithsej** arritën në rreth 31.15 përqind të parashikimit vjetor. Ato përfshijnë:
 - Mbledhjet e te ardhurave tatimore nga administrata e tatimeve dhe doganave në 31.67 përqind të programimit vjetor;
 - Kontributet për sigurimet shoqërore prej 32.19 përqind;
 - Të ardhurat jo-tatimore 36.25 përqind e buxhetit vjetor; dhe
 - Të ardhurat nga pushteti lokal, 35.66 përqind e planifikimit vjetor

Megjithëse shpenzimet totale ishin rreth 22.92 përqind e buxhetit vjetor, **shpenzimet korrente** arriten në rreth 54.87 miliardë lekë ose rreth 26.77 përqind e programimit vjetor, pjesërisht si rezultat i shpenzimeve të larta në pagesat e interesit me rreth 27.57 përqind të buxhetit vjetor, të shpenzimeve për sigurimet sociale me rreth 30.52 përqind e buxhetit vjetor dhe i shpenzimeve operative dhe të mirëmbajtjes me rreth 22.12 përqind e buxhetit vjetor.

❖ **Bilanci i pagesave**


Bilanci i pagesave për tremujorin e parë 2006, rezultoi me një sufit të përgjithshëm prej 15.6 milion euro. Kjo ishte rezultat i një:

- defici të Llogarise Korrente, prej rreth 164.3 milion euro;
- suficit të Llogarise së Kapitalit, prej rreth 36.0 milion euro;
- suficit të Llogarise Financiare, prej rreth 55.9 milion euro;
- bilanci pozitiv në “Gabime dhe harresa neto” prej rreth 88.1 milion euro.


Komponentet kryesore të deficitit të **Llogarise Korrente** prej 164.3 milion euro ishin një:

- bilanci tregtar negativ prej 370.8 milion euro;
- defici prej 36.6 milion euro në bilancin e shërbimeve;
- suficit prej 42.3 milion euro në bilancin e të ardhurave;
- suficit prej 200.8 milion euro në transfertat/ të ardhurat nga emigrantet.

- ❖ **Oferta totale e parase**, e matur nga M3 arriti në 584 miliardë lekë në fund të muajit Prill, duke shënuar një rritje prej rreth 10 përqind, krahasuar me të njëjten periudhë të një viti më parë.



Kjo rritje vjetore, erdhi si pasojë e rritjes së **depozitave pa afat** në lekë me rreth 48 përqind, depozitave në valute me rreth 20 përqind, uljes së depozitave me afat në lekë me rreth 10 përqind dhe rritjes të parase jashtë sistemit me rreth 5 përqind.



Ndikimin kryesor në rritjen e ofertes monetare gjatë muajit Prill e kanë patur rritja e depozitave pa afat në lekë, të cilat vetëm gjatë këtij muaji u rritën me rreth 0.69 miliardë lekë. Depozitat me afat në lekë pësuan një rritje të konsiderueshme prej rreth 1.26 miliardë lekë këtë muaj, ndërsa depozitat në valute pësuan një rritje për këtë muaj me rreth 1.33 miliardë lekë.

2. TIPARE TE TABELAVE SPECIFIKE:

a. Indeksi i Çmimeve te Konsumit dhe tregues të tjerë:

Indeksi i Çmimeve te Konsumit

Indeksi i Çmimeve te Konsumit, per muajin Prill '06 pesoi nje rritje prej 0.6 perqind, krahasuar me muajt Mars dhe Shkurt, kur ky indeks ishte perkatesisht 0.1 perqind dhe 0.4 perqind. Ndryshimet respektive ne te njejtet muaj te nje viti me pare ishin -0.3 perqind, 0.0 perqind dhe 0.4 perqind.

Rritja prej 0.6 perqind e indeksit te çmimeve te konsumit per muajin Prill erdhi kryesisht si rezultat i rritjes se indeksit te cmimeve te grupit “Ushqime dhe pije joalkolike” me 1.3 perqind, ku ndikimin kryesor ne kete grup e paten nengrupet “fruta” dhe “zarzavate perfshi patatet”, te cilat u rriten respektivisht me 7.8 perqind dhe 0.8 perqind.

Gjate muajit Prill grupi “shendetit” shenoi nje rritje prej 0.5 perqind, rritje e cila u shkaktua si rezultat i rritjes se cmimeve per disa medikamente mjeksore, nder te cilat mund te permendim rritjen e cmimit per qetesuesit me 1.4 perqind.

Nje rritje prej 0.3 perqind, per kete muaj pesoi edhe grupi “transporti”, qe u ndikua nga rritja e cmimit te karburantit me 0.5 perqind.

Uljen me te madhe edhe per kete muaj e pesoi indeksi i cmimeve te grupit “Argetim dhe kulture” ne nje mase prej – 0.2 perqind. Kjo ulje u shkaktua si rezultat i uljes se cmimeve per nengrupin “Gazeta, libra dhe mjete shkollore” me – 0.2 perqind.

Norma vjetore e inflacionit ne muajin Prill arriti ne 2.4 perqind duke qendruar brenda objektivit te Bankes se Shqiperise.

Ndryshimet vjetore te indeksit te çmimeve te konsumit, ne perqindje, per vitet 2005 dhe 2006 paraqiten ne tabelen e meposhtme :

	Jan	Shku	Mars	Prill	Maj	Qer	Korr	Gusht	Shta	Tet	Nen	Dhj.
2005	3.3	1.8	1.6	1.3	2.0	2.9	1.8	2.3	3.1	3.3	3.0	2.0
2006	1.4	1.3	1.5	2.4								

Kursi mesatar i këmbimit

Kursi mesatar i këmbimit të lekut me dollarin amerikan, gjatë muajit Prill shënoi një rritje të konsiderueshme prej 1.76 përqind kundrejt muajit mars 2006. Në fund të muajit Prill, dollari amerikan arriti nivelin 98.00 leke/dollare.


Kursi mesatar i këmbimit të lekut kundrejt dollarit amerikan në muajin Prill 2006, arriti në 100.26 leke/dollare.

Kursi mesatar i këmbimit të lekut kundrejt Euros në muajin Prill 2006, arriti në 122.85 Leke/Euro, duke shënuar një rritje të lehtë prej 0.13 përqind krahasuar me një muaj më parë. Në fund të muajit Prill një euro u këmbë me 122.95 leke.

Gjatë këtij muaji, ashtu si një muaj më parë u konstatua nencmim i lehtë i lekut kundrejt Euros prej rreth 0.13 përqind dhe mbicmim kundrejt dollarit amerikan prej rreth 1.8 përqind.

Në krahasim me muajin Prill të vitit të kaluar rezultoi se monedha shqiptare është zhvlerësuar ndaj dollarit amerikan në masën 3.0 përqind dhe është vlerësuar kundrejt monedhës europiane, Euro me 2.47 përqind.

Kursi i këmbimit për muajin Prill_06




Nencmimi i lekut, kundrejt monedhës europiane Euro dhe mbicmimi kundrejt monedhës amerikane, në rradhë të parë është i lidhur me ecurinë e tyre në tregjet monetare ndërkombëtare, duke reflektuar sjelljen e tyre në tregun e brendshëm monetar. Kursi i këmbimit të euros me dollarin amerikan pësoi një rritje mesatare të lehtë duke arritur në rreth 1.225 dollare/euro.

Ndër faktorët e brendshëm që kanë ndikuar në ecurinë e monedhës vendase gjatë muajit mars përmendim: normën reale të interesave në leke më të lartë se normat në valute, rritja e besimit të publikut në sistemin financiar dhe të biznesit tek monedha vendase situata e konsoliduar makroekonomike, situata e konsoliduar buxhetore etj.

Interesi i huave 12-mujore gjate muajit prill pesoi nje renie te konsiderueshme prej 0.74 perqind, duke arritur ne 13.12 perqind nga 13.86 perqind qe ishte ne muajin mars. Renie per kete muaj pesoi edhe norma per interesin e huave 6-mujore me 1.56 perqind, krahasuar me nje muaj me pare. Interesi i huave 6-mujore per muajin prill arriti ne 11.97 perqind.

Ecuria e Normave te Interesit te Huave dhe Bonove e Thesarit



Normat e interesit te bonove te thesarit gjate muajit prill 2006, per bonot me maturim 12 mujor, 6 mujor dhe 3 mujor, ishin perkatesisht, 5.90 perqind, 5.62 perqind dhe 5.05 perqind. Edhe gjate ketij muaji ashtu si ne muajin paraardhes, normat e interesit te bonove te thesarti ndoqen nje trend renes, si rezultat i permiresimit te gjendjes se likuiditeteve ne treg, nivelit te ulet te inflacionit, qe ka ndikuar ne uljen e metejshme te yield-eve.

b. Sektori Fiskal

Buxheti i Konsoliduar

Ne fund te muajit Prill, jane mbledhur rreth 69.07 miliarde leke te ardhura, perkundrejt shpenzimeve te pergjithshme prej 59.22 miliarde leke, qe perfshijne 54.87 miliarde leke ne shpenzime korente dhe 4.34 miliarde leke shpenzime kapitale.

Si rrjedhim, deficitin ishte ne nivelin e +9.8 miliarde leke.

Mbledhja e te ardhurave perben rreth 31.15 % te te ardhurave buxhetore per vitin 2006, ndersa shpenzimet perbejne 22.92 % te buxhetit te planifikuar. Shpenzimet korente jane rreth 26.77 % e planifikimit vjetor, ndersa shpenzimet kapitale jane rreth 9.40 % e ketij planifikimi.

Nga të ardhurat gjithsej, pjesa e të ardhurave të mbledhura nga Drejtoria e Përgjithshme të Tatimeve dhe Doganave është rreth 46.02 miliardë lekë (ose rreth 31.67 % e të ardhurave vjetore të planifikuara), të ardhurat e mbledhura nga pushteti vendor 4.00 miliardë lekë (35.66 % e të ardhurave vjetore të planifikuara), kontributet e sigurimeve shoqërore dhe shëndetësore 12.88 miliardë lekë (32.19 % e të ardhurave vjetore të planifikuara), dhe të ardhurat jo-tatimore në nivelin e 5.99 miliardë lekë (36.25 % e të ardhurave vjetore të planifikuara).

Nga totali i shpenzimeve korente prej 54.87 miliardë lekë, 16.25 miliardë lekë (30 %) është shpenzuar për personelin, 8.32 miliardë lekë (15 %) për interesat, 4.71 miliardë lekë (9 %) për shpenzime operative dhe mirëmbajtje, 0.71 miliardë lekë (1 %) për subvencione, 18.04 miliardë lekë (33 %) për shpenzimet e sigurimeve shoqërore dhe shëndetësore dhe 3.88 miliardë lekë (7 %) për shpenzimet e qeverisjes vendore dhe 2.94 miliardë lekë (5 %) për shpenzimet e tjera.

Keto përfaqësojnë 27.7 % (shpenzime personeli), 27.57 % (shpenzime për interesat), 22.12 % (shpenzime operative dhe të mirëmbajtjes), 27.89 % (subvencione), 30.52 % (sigurimet shoqërore dhe shëndetësore), 18.22 % dhe 25.50 % (për shpenzimet e qeverisjes vendore dhe shpenzimet e tjera) përkundrejt buxhetit të planifikuar vjetor.

Shpenzimet kapitale arrijnë në rreth 4.34 miliardë lekë nga të cilat 66 % financim i brendshëm, dhe 34 % financim i huaj.

Shpenzimet kapitale me financim të brendshëm llogariten për këtë periudhë në rreth 12.05 % të buxhetit të parashikuar vjetor, ndërsa financimi i huaj është vetëm 6.61 %.

Suficiti prej 9.8 miliardë lekë është i barabartë me -26.89 % të deficitit buxhetor për 2006.

Të ardhurat sipas Burimeve / Klasifikimit Ekonomik

Të ardhurat gjithsej arrijnë në fund të muajit Prill 2006 në rreth 69.07 miliardë lekë, nga të cilat të ardhurat tatimore në rreth 62.90 miliardë, grantet 172 milionë dhe të ardhurat jo-tatimore në rreth 5.99 miliardë;

Nga totali i të ardhurave tatimore, rreth 46.02 miliardë lekë janë mbledhur nga administrata e doganave dhe e tatimeve, 4.00 miliardë lekë të ardhura nga pushteti lokal dhe 12.88 miliarde leke nga kontributet e sigurimeve shoqerore dhe shendetesore;

Nga të ardhurat totale të mbledhura deri në fund të Prillit:

□ TVSH përbënte	20.90	miliardë lekë
□ Tatimi mbi fitimin	7.74	miliardë lekë
□ Taksa doganore	4.43	miliardë lekë
□ Taksat nacionale	4.40	miliardë lekë
□ Akcizat	6.06	miliardë lekë
□ Transferim fitimi nga Banka e Shqipërisë	1.32	miliardë lekë;

Financimi i Deficitit

Suficiti prej 9.8 miliardë lekë, ne fund te Prill, ishte 98 përqind me financim të brendshëm dhe 2 përqind me financim të huaj. Emetimi i bonove të thesarit ishte mjete kryesor i financimit të brendshëm, ndersa per financimin e huaj ishin huate afatgjata.


c. Sektori i Jashtëm

Bilanci i Pagesave


Tiparet kryesore të bilancit të pagesave për periudhen Janar - Mars 2006 ishin:

Nje sufiçit i pergjithshem ne bilancin e pergjithshem, prej 15.6 milion euro, rezultat ky i nje:

- defičiti te Llogarise Korente, prej 164.3 milion euro;
- suficit te Llogarise Kapitale, prej 36.0 milion euro;
- sufiçit te Llogarise Financiare, prej 55.9 milion euro;
- bilanci pozitiv ne Gabime dhe Harresa neto“ prej 88.1 milion euro;



Komponentet kryesore të deficitit të Llogarisë Korente prej 164.3 milion euro ishin një:



- bilanc tregtar negativ prej 370.8 milion euro;
- deficit prej 36.6 milion euro ne bilancin e sherbimeve ;
- suficit prej 42.3 milion euro ne bilancin e te ardhurave ;
- suficit prej 200.8 milion euro levizjet e transfertave dhe dergesave.


Zërat kryesorë në flukset pozitive në llogarinë kapitale dhe llogarinë financiare përfshijnë:

- flukset pozitive të investime portofoli prej 4.6 milionë euro;
- flukset pozitive të kapitaleve të tjera prej 48.4 milionë euro;

d. Sektori Monetar

Mjetet Valutare Neto te sistemit bankar

Gjate muajit Prill 2006, sistemi bankar ka shenuar rritje te mjeteve valutore neto, ne rreth 17.2 miliarde leke krahasuar me te njejten periodhe te nje viti me pare.



Kjo rritje ka ardhur si pasoje e rritjes se mjeteve valutore neto ne Banken e Shqiperise, me 18.8 miliarde leke dhe renies se mjeteve valutore neto te bankave te nivelit te dyte, me rreth 1.6 miliarde leke.

Ne muajin Prill sistemi bankar rezulton me nje renie prej 2.7 miliarde leke ne mjetet valutore neto, krahasuar me nje muaj me pare (Mars '06), renie e cila erdhi si rezultat i renies se mjeteve valutore neto te bankave te nivelit te dyte me rreth 2.7 miliarde leke, qe paten dhe ndikimin e tyre te drejteperdrejte sepse niveli i mjeteve valutore neto ne Banken e Shqiperise, ishte ne po te njejtat kuota ma ate te muajit mars.

Kredia per ekonomine

Teprica e kredise per ekonomine ne fund te muajit Prill 2006 arriti ne 140.0 miliarde leke. Rritja e teprices së kredise, krahasuar me nje vit me pare shenoi vleren 56.0 miliardë leke, me nje rritje prej rreth 66.8 përqind. Kredia e akorduar nga sistemi bankar edhe gjate fillimit te vitit 2006, ka qene ne rritje, duke vazhduar keshtu trendin pozitiv te nisur qe ne vitin 2005.

Nga struktura e teprices se kredise sipas monedhave vazhdon të mbizoterohet nga kredia në valute, duke perbere rreth 73.7 përqind te totalit te teprices se kredise.


Kete muaj u vu re qe pesha specifike e kredive per individet, pesoi nje rritje te lehte prej 0.2 perqind, duke arritur ne nivelin 31.8 perqind.

Oferta e Parasë

Oferta e parasë (e matur me M3), per muajin prill ka shenur nje rritje te lehte prej 0.6 perqind, karahasuar me nje muaj me pare. Kjo oferte arriti ne rreth 584 miliardë lekë në fund të muajit prill duke shenuar nje rritje te konsiderueshme prej 6.0 miliarde leke kundrejt nivelit te rregjistruar ne muajin dhjetor 2005. Rritja vjetore e ketij treguesi ishte 10 perqind, duke pesuar ulje te ketij ritmi krahasuar me 18.3 perqind qe ishte gjate muajit qershor 2005. Ngadalësimi i ritmit të ofertës monetare është reflektuar kryesisht në preferenca e individeve per te investuar ne bono thesari, gje qe ka cuar ne uljen e depozitave ne leke.

Niveli i parase jashte bankave eshte rritur me 0.9 miliarde leke ne krahasim me muajin mars 2005 dhe eshte ulur me po te njejten nivel (0.9 miliarde leke) krahasuar me muajin shkurt 2006. Rritja vjetore e ketij treguesi ishte 5 perqind.


Raporte te parase jashte bankave



Raporti i parase jashte bankave ndaj ofertes monetare, ne fund te muajit prill arriti ne 23.7 perqind duke qendruar ne po te njejten nivele si ne muajin mars. Raporti i parase jashte bankave me depozitat ne muajin prill arriti ne rreth 31.0 perqind, qe eshte i njejti nivel me muaji mars'06.

Depozitat ne leke, si perberesi kryesor i ofertes monetare, kane pesuar nje rritje prej 1.9 miliarde leke ne krahasim me muajin mars 2006. Rritje prej rreth 0.88 miliarde leke ne krahasim me muajin mars 2006 pesuan edhe depozitat ne valute. Norma vjetore e rritjes se tyre ne fund te muajit prill arriti ne 20 perqind nga 24 perqind qe ishte ne fund te muajit mars.

Raporti Depozita/M3




Rritja e depozitave në valutë gjatë muajit prill është mbështetur kryesisht nga rritja e depozitave të sektorit privat, të cilat kanë përbërë rreth 75.6 përqind të rritjes së depozitave totale në valutë.

Depozitat sipas Burimeve

Gjate muajit Prill 2006:

- Sektori i individeve, zuri nivelin më të lartë të depozitave pa afat në lekë me rreth 66.15 përqind, ndjekur nga sektori privat, me rreth 22.68 përqind dhe nga ndërmarrjet publike jo-financiare, me 8.69 përqind.
- Individet dhe sektori privat ishin gjithashtu burimi më i rëndësishëm i depozitave në monedhe të huaja, perkatesisht me rreth 75.6 përqind dhe rreth 18.4 përqind.
- Familjarët ishin dukshëm burimi më i rëndësishëm i depozitave me afat në lekë (96.49 përqind e totalit)

Kontributi i sektoreve në totalin e depozitave Prill 2006



- Në përgjithësi, familjarët përbëjnë pjesën më të madhe (rreth 83.34 përqind) të depozitave totale prej rreth 446 miliardë lekë në muajin prill 2006. Ata ndiqen nga sektori privat (11.93 përqind), ndërmarrjet publike jo-financiare (3.06 përqind) dhe autoritetet lokale (0.93 përqind). Institucionet financiare kontribuan me rreth 0.74 përqind në totalin e depozitave.
- Gjatë muajit prill 2006, krahasuar me një muaj më parë, niveli i përgjithshëm i depozitave u rrit dukshëm me 3.28 miliardë

lekë, si rezultat i rritjes së depozitave pa afat në leke (0.69 miliard leke), depozitave në monedhe të huaja (1.33 miliard leke) dhe depozitave me afat në lekë (me rreth 1.26 miliardë lekë).

➤ Depozitat pa afat në leke të familjeve, pësuan një rënie prej rreth 0.27 miliard leke, ndërsa depozitat me afat në leke të familjeve pësuan një rritje, prej rreth 1.6 miliard leke.